

qī yú
七虞

jīnduìyù bǎoduìzhū yùtùduìjīnwū gūzhōuduìduǎnzhào
金对玉，宝对珠，玉兔对金乌。孤舟对短棹，
yíyànduìshuāngfú héngzuìyǎn niǎnyínxū lǐbáiduìyángzhū
一雁对双凫。横醉眼，捻吟须，李白对杨朱。
qiūshuāngduōguòyàn yèyuèyǒutíwū rìnuǎnyuánlínhuāyìshǎng
秋霜多过雁，夜月有啼乌。日暖园林花易赏，
xuěhāncūnshèjiǔnángū rénchǔlǐngnán
雪寒村舍酒难沽。人处岭南，
shàntànjùxiàngkǒuzhōngchǐ kèjūjiāngyòu
善探巨象口中齿；客居江右，
òuduólílónghànxiàzhū
偶夺骊龙颌下珠。

xiánduìshèng zhìduìyú fùfěnduìshīzhū míngjiāngduìlìsuǒ
贤对圣，智对愚，傅粉对施朱。名缰对利锁，
qièkēduìtíhú jiūbǔzǐ yàntiáochú shízhàngduìxúchú
挈榼对提壶。鸠哺子，燕调雏，石帐对郇厨。
yānqīnglǒngànliǔ fēngjìhàntíngwú qúyǎnyìfāngduānshíyàn
烟轻笼岸柳，风急撼庭梧。鸚眼一方端石砚，
lóngxiánsānzhùbóshānlú qūzhǎoyúduō kěshǐyúrénjiéwǎng
龙涎三炷博山炉。曲沼鱼多，可使渔人结网；
píngtiántùshǎo mànláogēngzhěshǒuzhū
平田兔少，漫劳耕者守株。

qīnduìzhào yuèduìwú diàokèduìgēngfū jīqiúduìzhànglǚ
秦对赵，越对吴，钓客对耕夫。箕裘对杖履，
qǐzǐduìsāngyú tiānyùxiǎo rìjiāngbū jiǎotùduìyāohú
杞梓对桑榆。天欲晓，日将晡，狡兔对妖狐。
dúshūgāncìgǔ zhǔzhōuxīfénxū hánxìnwǔnéngpíngsìhǎi
读书甘刺股，煮粥惜焚须。韩信武能平四海，
zuǒsīwénzúfùsāndū jiādùnōuyōurén shìzhìzhúlímáoshè
左思文足赋三都。嘉遁幽人，适志竹篱茅舍；
shèngyóugōngzǐ wánqíngliǔmòhuāqú
胜游公子，玩情柳陌花衢。